



Broj: 07-45-1657-10/23

Datum: 29.05.2023. godine

Na osnovu odredbi člana 20. Zakona o državnoj službi u Kantonu Sarajevo („Službene novine KS“ br. 31/16), članova 22. i 23 Zakona o organizaciji i djelokrugu organa uprave i upravnih organizacija Kantona Sarajevo („Službene novine Kantona Sarajevo“ – prečišćeni tekst, broj 02/12), člana 25, 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14 i 59/22), Pravilnika o uslovima i načinu korištenja e-Aukcije („Službeni glasnik BiH“ broj 66/16) na preporuku iz Zapisnika o prijemu i ocjeni ponuda broj: 07-45-1657-9/23 od 26.05.2023. godine direktor Zavoda donosi:

ODLUKU **o izboru najpovoljnijeg ponuđača**

Član 1.

Prihvata se Preporuka o izboru najpovoljnijeg ponuđača, Okvirni sporazum i Ugovor za javnu nabavku – Usluge osiguranja uposlenika i vozila, dodjeljuje se ponuđačima po lotovima kako slijedi:

- 1. LOT 1 – Osiguranje uposlenika Zavoda za planiranje razvoja Kantona Sarajevo**
dodjeljuje se ponuđaču Sarajevo-Osiguranje d.d. Sarajevo, ponuda broj: 01-3097/23 dostavljena dana 15.05.2023. godine, sa konačnom cijenom ponude nakon provedene e-Aukcije u iznosu od 9.980,00 KM bez uračunatog PDV-a, kao najpovoljnijem ponuđaču na dvogodišnjem nivou.
- 2. LOT 2 – Osiguranje motornih vozila** dodjeljuje se ponuđaču Adriatic Osiguranje d.d. Sarajevo, ponuda broj: 71/23 dostavljena dana 15.05.2023. godine, sa konačnom cijenom ponude nakon provedene e-Aukcije u iznosu od 5.195,95 KM bez uračunatog PDV-a, kao najpovoljnijem ponuđaču, na dvogodišnjem nivou.

Član 2.

Postupak iz člana 1. ove Odluke proveden je metodom „otvoreni postupak“ za dostavu ponuda, te je nakon otvaranja ponuda provedena „e-Aukcija“, a za izbor najpovoljnijeg ponuđača korišten je kriterij „najniža cijena“.

Član 3.

Izabrani ponuđač Adriatic Osiguranje d.d. Sarajevo je u obavezi da dostavi originale ili ovjerene kopije dokumentacije iz člana 45. Zakona o javnim nabavkama na protokol Zavoda, odmah ili najkasnije u roku od 5 (pet) dana od prijema Odluke o izboru najpovoljnijeg ponuđača.

Izabrani ponuđač Sarajevo-Osiguranje d.d. Sarajevo se oslobađa obaveze dostavljanja originala ili ovjerenih kopija dokumentacije iz člana 45. Zakona o javnim nabavkama, jer je iste dostavio uz ponudu.

Član 4.

Prijedlog okvirnog sporazuma za Lot 1 i prijedlog ugovora za Lot 2 dostavit će se na potpis izabranim ponuđačima nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 5.

Ova Odluka objavit će se na internet stranici Zavoda za planiranje razvoja Kantona Sarajevo (www.zpk.ks.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa odredbama člana 71. stav (2) Zakona o javnim nabavkama.

Član 6.

Ova Odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: **07-45-1657-1/23 od 24.04.2023. godine.**

Javna nabavka je sprovedena putem **otvorenog postupka za dostavu ponuda.**

Procijenjena vrijednost javne nabavke bez PDV-a je **16.000,00 KM na dvogodišnjem nivou.**

Procijenjena vrijednost javne nabavke bez PDV-a na dvogodišnjem nivou po lotovima:

LOT 1. Osiguranje uposlenika Zavoda za planiranje razvoja Kantona Sarajevo 10.000,00 KM

LOT 2. Osiguranje motornih vozila: 6.000,00 KM

Obavještenje o nabavci, broj: **359-1-2-2-3-8/23**, objavljeno je na Portalu javnih nabavki dana **25.04.2023.godine.** Sažetak Obavještenja o nabavci objavljen je u Službenom glasniku BiH, broj: **30/23 od 28.04.2023. godine.**

Komisija za nabavku, imenovana je Rješenjem, broj: **07-45-1657-2/23 od 24.04.2023. godine.**

Komisija za javnu nabavku dostavila je direktoru Zavoda za planiranje razvoja Kantona Sarajevo Zapisnik o pregledu i ocjeni ponuda, broj: **07-45-1657-9/23 od 26.05.2022. godine,** u postupku javne nabavke – **Usluge osiguranja uposlenika i vozila.**

U postupku po Zapisniku o pregledu i ocjeni ponuda je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispijelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku zaprimljene 3 ponude,
- da su blagovremeno zaprimljene 3 ponude,
- da nije bilo neblagovremeno primljenih ponuda,
- da su ponude ponuđača **Adriatic Osiguranje d.d. Sarajevo** i **Sarajevo-Osiguraje d.d. Sarajevo** kvalifikovane i prihvatljive za lotove 1 i 2, da je ponuda ponuđača **Asa Central Osiguranje d.d. Sarajevo** kvalifikovana i prihvatljiva za lot 1, da su dostavljeni svi traženi dokazi propisani tenderskom dokumentacijom na propisan način

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz Tenderske dokumentacije.

Naime, u postupku je ocijenjeno da je Komisija u svemu pravilno postupila, te da je izbor najpovoljnijih ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom. Uvidom u priloženu dokumentaciju, nesporno je da su izabrani ponuđači najbolje ocijenjeni zbog:

Najniže cijene kako slijedi:

Redni broj	Naziv lota	Naziv/ime ponuđača	Ukupna cijena ponude bez PDV-a
1.	LOT 1 – Osiguranje zaposlenika Zavoda za planiranje razvoja Kantona Sarajevo	Sarajevo-Osiguranje d.d. Sarajevo – Maršala Tita 29	9.860,00 KM
2.	LOT 1 – Osiguranje zaposlenika Zavoda za planiranje razvoja Kantona Sarajevo	Asa Central Osiguranje d.d. Sarajevo – Trg međunarodnog prijateljstva 25	9.970,50 KM
3.	LOT 1 – Osiguranje zaposlenika Zavoda za planiranje razvoja Kantona Sarajevo	Adriatic Osiguranje d.d. Sarajevo – Trg međunarodnog prijateljstva 20	9.996,00 KM
4.	LOT 2 – Osiguranje motornih vozila	Adriatic Osiguranje d.d. Sarajevo – Trg međunarodnog prijateljstva 20	5.195,95 KM
5.	LOT 2 – Osiguranje motornih vozila	Sarajevo-Osiguranje d.d. Sarajevo – Maršala Tita 29	5.372,16 KM

Iz navedenih razloga, primjenom odredbi člana 64. stav (1) tačka b) Zakona o javnim nabavkama, člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14, 59/22), člana 8. stav (2), tačka d) Pravilnika o uspostavljanju i radu Komisije za nabavke („Službeni glasnik BiH“, 103/14), odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Zavoda za planiranje razvoja Kantona Sarajevo, Branilaca Sarajeva br. 26, 71000 Sarajevo.
Žalba se podnosi u najmanje 3 (tri) primjerka.



Direktor / / /

Dostaviti:

- Ponuđaču: Adriatic Osiguranje d.d. Sarajevo
- Ponuđaču: Sarajevo-Osiguranje d.d. Sarajevo
- Ponuđaču: Asa Central Osiguranje d.d. Sarajevo
- Služba za javne nabavke
- Za objavu na web stranici Zavoda i Registra JN KS
- a/a